

Asmir Mujačić, dipl. oec. - Magistarski rad

Fakultet/Akademija	EKONOMSKI FAKULTET
Tip Rada	Magistarski rad
Kandidat, zvanje	Asmir Mujačić, dipl. oec.
Naziv Teme	Perspektive unapređenja sistema poreza na dodatu vrijednost u Bosni i Hercegovini
Rezime/Abstract	<p>Porez na dodatu vrijednost predstavlja najrasprostranjeniji sistem oporezivanja prometa roba (dobara) i usluga u svijetu. Zakon o porezu na dodatu vrijednost u Bosni i Hercegovini u primjeni je od januara 2006. godine, kada je naša država, u najkraćem mogućem roku izvršila vrlo uspješno uvođenje novog poreskog sistema koji je zamijenio tada važeći porez na promet, što je od strane relevantnih međunarodnih institucija ocijenjeno kao jedan od ključnih koraka za uspostavljanje jedinstvenog ekonomskog prostora, smanjenje sive ekonomije, podsticanje stranih ulaganja i smanjenje vanjskotrgovinskog deficita. Predmet istraživanja u radu odnosi se na komparativnu analizu sistema poreza na dodatu vrijednost u BiH sa sistemima zemalja u okruženju (prije svega, Hrvatske, Srbije i Crne Gore), utvrđivanje nedostataka u postojećim procedurama u primjeni Zakona o porezu na dodatu vrijednost u BiH, preciziranje osnovnih problema u njegovoj primjeni, kao i moguće pravce unapređenja sistema poreza na dodatu vrijednost i njegove harmonizacije sa Direktivama Evropske unije. Naprijed navedeno je značajno posebno zato što EU svojim Direktivama ograničava fiskalni suverenitet i nalaže svojim članicama da djeluju u okvirima koje propisuju direktive. Isto se odnosi i na zemlje koje se žele pridružiti istoj, kojima se nalažu zadaci koji, između ostalog, pretpostavljaju reforme poreskog sistema i njegovo usklađivanje sa Direktivama EU. U BiH, kao zemlji u kojoj specifičnost državnog uređenja, zakonskih procedura, političkih previranja i uopšte društvene organizacije dodatno usložnjava posmatranu problematiku, važno je upoznati se sa temeljnim načelima sistema poreza na dodatu vrijednost. U tu svrhu, kao najpodobnije rješenje nametnulo se sekundarno istraživanje kroz analizu i sistematizaciju ranije publikovanih izvještaja i istraživanja iz ovog područja, te primarno istraživanje u kojem su, primjenom tehnike ispitivanja korištenjem anketnog upitnika kao obrasca za prikupljanje primarnih podataka prikupljeni stavovi obveznika indirektnih poreza kada su u pitanju opći stavovi o sistemu poreza na dodatu vrijednost, stavovi u vezi sa stopama poreza na dodatu vrijednost, postupkom kontrole, zadovoljstvu poreskih obveznika, te perspektivama razvoja poreza na dodatu vrijednost u BiH. Predmetni rad strukturiran je tako da, pored uvodnih i zaključnih razmatranja, popisa korištene literature, popisa slika i tabela, te priloga, sadrži četiri dijela u kojima se vrši razrada i verifikacija postavljene centralne istraživačke hipoteze i istovremeno realizuju opšti i operativni ciljevi istraživanja koji referiraju na unapređenje sistema poreza na dodatu vrijednost u Bosni i Hercegovini. Ključne riječi: sistem poreza na dodatu vrijednost, komparativna analiza, Direktive EU, perspektive razvoja PDV-a u BiH</p>
Datum	03.11.2020
Predsjednik	Dr. sci. Sead Omerhodžić, redovni profesor, uža naučna oblast: „Finansije i finansijska politika“, Ekonomski fakultet Univerziteta u Tuzli
Mentor	Dr. sci. Emira Kozarević, redovni profesor, uža naučna oblast: „Finansije i finansijska politika“, Ekonomski fakultet Univerziteta u Tuzli
Član komisije	Dr. sci. Meldina Kokorović Jukan, vanredni profesor, uža naučna oblast: „Finansije i finansijska politika“, Ekonomski fakultet Univerziteta u Tuzli
Član komisije	-
Član komisije	-
Zamjenski član	-
Dodatni detalji i lokacija	dana 03.11.2020. godine u 10,00 sati na Ekonomskom fakultetu Univerziteta u Tuzli
Zavrsne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.